

## ოქმი N7

ხობის მუნიციპალიტეტის საკრებულოს მესამე მოწვევის სხდომისა

ქ. ხობი

2016 წლის 30 მარტი

საკრებულოს წევრთა კანონით დადგენილი რაოდენობა - 36

საკრებულოს უფლებამოსილ წევრთა რაოდენობა - 35

რეგისტრაცია გაიარა საკრებულოს 30 წევრმა (რეგისტრაციის ფურცელი ოქმს თან ერთვის)

საკრებულოს სხდომაზე დამსწრე წევრთა რაოდენობა - 30 (დამსწრეთა სია ოქმს თან ერთვის)

საკრებულოს სხდომაზე დამსწრე საზოგადოების წარმომადგენელთა სია ოქმს თან ერთვის

სხდომას თავმჯდომარეობდა ედიშერ ჯობავა - საკრებულოს თავმჯდომარე

მოწვევით: საქართველოს სოფლის მეურნეობის სამინისტროს ტერიტორიული ორგანოს

ხობის მუნიციპალიტეტის საინფორმაციო საკონსულტაციო სამსახურის მთავარი

სპეციალისტი (ბესიკ ნაჭყებია)

*დღის წესრიგი:*

1. „ხობის მუნიციპალიტეტის 2016 წლის ადგილობრივი ბიუჯეტის დამტკიცების შესახებ“ ხობის მუნიციპალიტეტის საკრებულოს 2015 წლის 25 დეკემბრის №30 დადგენილებაში ცვლილების შეტანის თაობაზე“ დადგენილების პროექტის განხილვა.

(მომხსენებელი: გ. ქაჯაია - მუნიციპალიტეტის გამგებელი

თანამომხსენებელი: დ. ჭოჭუა - გამგეობის საფინანსო-საბიუჯეტო სამსახური);

2. „ხობის მუნიციპალიტეტის გამგეობის შიდა აუდიტისა და კონტროლის სამსახურის დებულების დამტკიცების შესახებ“ ხობის მუნიციპალიტეტის საკრებულოს 2014 წლის 28 ივლისის №25 დადგენილებაში ცვლილების შეტანის თაობაზე“ დადგენილების პროექტის განხილვა.

(მომხსენებელი: გ. ქაჯაია - მუნიციპალიტეტის გამგებელი;

თანამომხსენებელი: ზ. ბუკია - ხობის მუნიციპალიტეტის გამგეობის

ადმინისტრაციული სამსახურის უფროსი);

3. „ქ. ხობში ცენტრალური სტადიონისთვის პაატა თათარიშვილის სახელის მინიჭების მიზანშეწონილობის თაობაზე“ განკარგულების პროექტის განხილვა.

(მომხსენებელი: გ. ქაჯაია - მუნიციპალიტეტის გამგებელი;

თანამომხსენებელი: ა. ვარდია - ეკონომიკური განვითარებისა და პროგრამების მართვის

სამსახურის უფროსი);

4. „ხობის მუნიციპალიტეტის საკუთრებაში არსებული ავტოსატრანსპორტო საშუალების სახელმწიფო საკუთრებაში უსასყიდლოდ გადაცემაზე თანხმობის მიცემის თაობაზე“ განკარგულების პროექტის განხილვა.

(მომხსენებელი: გ. ქაჯაია - მუნიციპალიტეტის გამგებელი;

თანამომხსენებელი: ა. ვარდია - ეკონომიკური განვითარებისა და პროგრამების მართვის სამსახურის უფროსი);

5. „ადგილობრივი თვითმმართველობის წარმომადგენლობითი ორგანოს - საკრებულოს 2014 წლის 15 ივნისის არჩევნების სოფელ ყულევის №66.17 ადგილობრივ მაჟორიტარულ საარჩევნო ოლქში 2016 წლის 22 მაისს გასამართ ხობის მუნიციპალიტეტის საკრებულოს შუალედურ არჩევნებთან დაკავშირებით გასატარებელი ღონისძიებების შესახებ“ განკარგულების პროექტის განხილვა.

(მომხსენებელი: გ. ქაჯაია - მუნიციპალიტეტის გამგებელი;

თანამომხსენებელი: ა. ვარდია - ეკონომიკური განვითარებისა და პროგრამების მართვის სამსახურის უფროსი);

6. „ხობის მუნიციპალიტეტის გამგეობის საშტატო ნუსხის დამტკიცების შესახებ“ ხობის მუნიციპალიტეტის საკრებულოს 2014 წლის 28 ივლისის №52 განკარგულებაში ცვლილების შეტანის თაობაზე“ განკარგულების პროექტის განხილვა.

(მომხსენებელი: გ. ქაჯაია - მუნიციპალიტეტის გამგებელი;

თანამომხსენებელი: ზ. ბუკია - ხობის მუნიციპალიტეტის გამგეობის ადმინისტრაციული სამსახურის უფროსი);

7. „ხობის მუნიციპალიტეტის საკრებულოს იურიდიულ საკითხთა და ადამიანის უფლებათა დაცვის კომისიის შემადგენლობის დამტკიცების შესახებ“ ხობის მუნიციპალიტეტის საკრებულოს 2014 წლის 16 ივლისის N48 განკარგულებაში ცვლილების შეტანის თაობაზე“ განკარგულების პროექტის განხილვა.

(მომხსენებელი: ნ. შუშანია - საკრებულოს სამანდატო-საპროცედურო საკითხთა კომისიის თავმჯდომარე)

8. ხობის მუნიციპალიტეტის გამგეობის შიდა აუდიტისა და კონტროლის სამსახურის მიერ 2015 წელს გაწეული მუშაობის ანგარიში.

(მომხსენებელი: მ. ნაჭყებია - გამგეობის შიდა აუდიტისა და კონტროლის სამსახურის უფროსი);

9. ხობის მუნიციპალიტეტის გამგეობის მიერ 2015 წელს გაწეული მუშაობის ანგარიში.

(მომხსენებელი: გ. ქაჯაია - მუნიციპალიტეტის გამგებელი);

კენჭი ეყარა დღის წესრიგის წარმოდგენილ ვარიანტს

კენჭისყრას ესწრებოდა საკრებულოს 27 წევრი

კენჭისყრის შედეგები:

მომხრე – 25, წინააღმდეგი – 2 (ე. წურწუშია, კ. ლატარია)

(კენჭისყრას არ ესწრებოდნენ: ი. გოგოლაძე, მ. ლაგვილავა, ფ. შონია)

დაადგინეს: დღის წესრიგი დამტკიცდეს წარმოდგენილი სახით

## დღის წესრიგით გათვალისწინებულ საკითხთა განხილვა

1. „ხობის მუნიციპალიტეტის 2016 წლის ადგილობრივი ბიუჯეტის დამტკიცების შესახებ“ ხობის მუნიციპალიტეტის საკრებულოს 2015 წლის 25 დეკემბრის №30 დადგენილებაში ცვლილების შეტანის თაობაზე“ დადგენილების პროექტის განხილვა.

(მომხსენებელი: გ. ქაჯაია - მუნიციპალიტეტის გამგებელი

თანამომხსენებელი: დ. ჭოჭუა - გამგეობის საფინანსო-საბიუჯეტო სამსახური);

მოისმინეს: დ. ჭოჭუა - მომხსენებელმა საკრებულოს წევრებს გააცნო დადგენილების პროექტი „ხობის მუნიციპალიტეტის 2016 წლის ადგილობრივი ბიუჯეტის დამტკიცების შესახებ“ ხობის მუნიციპალიტეტის საკრებულოს 2015 წლის 25 დეკემბრის №30 დადგენილებაში ცვლილების შეტანის თაობაზე“

სხდომის თავმჯდომარემ მიმართა საკრებულოს წევრებს, გამოეთქვათ შენიშვნები და მოსაზრებები წარმოდგენილ პროექტთან დაკავშირებით.

აზრი გამოთქვეს: მ. ქარდავა - გამომსვლელმა აღნიშნა, რომ ბიუროს სხდომაზეც განაცხადა ამაზე და აქაც იგივე პოზიციას აფიქსირებს, რომ არ ეთანხმება სკოლამდელი სააღმზრდელო გაერთიანების ბიუჯეტში არსებული 40,0 ათასი ლარის ეკონომიის სხვა მუხლში მიმართვას, „მართალია ამ ეტაპზე საჭირო იყო თანხის გადამისამართება, მაგრამ ადგილობრივ ბიუჯეტში თანხის შემოსვლის შემდგომ, ისევ მიიმართება თუ არა სკოლამდელი სააღმზრდელო გაერთიანების ბიუჯეტში ზემოთ აღნიშნული თანხა“ - დაინტერესდა ის.

დ. ჭოჭუა - გამომსვლელმა აღნიშნა, რომ მოსალოდნელია ჭარბი თანხის შემოდინება ბიუჯეტში, რის შემდგომაც აღნიშნულზე უფრო მეტი თანხა იქნება მიმართული სკოლამდელი სააღმზრდელო გაერთიანების ბიუჯეტში.

სხდომის თავმჯდომარემ სთხოვა საფინანსო-სარევიზიო კომისიის თავმჯდომარეს წარმოედგინა კომისიის დასკვნა განსახილველ საკითხთან დაკავშირებით

ტ. ალექსანდრია - გამომსვლელმა საკრებულოს წევრებს გააცნო კომისიის დასკვნა წარმოდგენილ საკითხთან დაკავშირებით (ოქმს თან ერთვის) და აღნიშნა, რომ დადგენილების პროექტით მუნიციპალიტეტის ბიუჯეტში ხორციელდება სხვადასხვა სახის ცვლილებები: მცირდება ადგილობრივი ბიუჯეტის ხარჯები 88,4 ათასი ლარით, კერძოდ: პროგრამის „სკოლამდელი განათლების დაფინანსება“ ასიგნება 40 ათასი ლარით, 20,0 ათასი ლარით ქვეპროგრამის „უმწეოთა სასაბუღალტრო და ხანდაზმულთა ბინაზე მომსახურება“ ასიგნება, 28,4 ათასი ლარით „წინა წელს გამოუყენებელი თანხის დაბრუნება“ ასიგნება. გამონთავისუფლებული 88,4 ათასი ლარი მიიმართება შემდეგ ღონისძიებათა დასაფინანსებლად: ქვეპროგრამის „წყლის სისტემის რეაბილიტაცია და ექსპლოატაცია“ ასიგნებებზე 60,0 ათასი ლარი; პროგრამის „სოფლის მხარდაჭერის პროგრამა“ ასიგნებებზე 28,4 ათასი ლარი. ხობის მუნიციპალიტეტის ადგილობრივი ბიუჯეტით გამოყოფილი ასიგნების გადანაწილების წესის დამტკიცების შესახებ“ ხობის მუნიციპალიტეტის საკრებულოს 2015 წლის 30 აპრილის N15 დადგენილების შესაბამისად ხობის მუნიციპალიტეტის 2016 წლის დამტკიცებულ ბიუჯეტში ხობის მუნიციპალიტეტის გამგებლის ბრძანებებით მხარჯავი დაწესებულებებისათვის ადგილობრივ ბიუჯეტით გამოყოფილ ასიგნებებში ეკონომიკური კლასიფიკაციის მუხლებს შორის განხორციელებულია სხვადასხვა გადანაწილებები. ბიუჯეტის მთლიანი მოცულობა, ანუ შემოსულობების გეგმა შეადგენს 9585,2 ათას ლარს. გამომსვლელის განცხადებით, პროექტი მომზადებულია კანონის მოთხოვნათა გათვალისწინებით, კომისიას სერიოზული ხასიათის შენიშვნები არ გააჩნია და მიზანშეწონილად მიაჩნია პროექტის წარმოდგენილის სახით დამტკიცება.

კენჭი ეყარა წარმოდგენილ დადგენილების პროექტს

კენჭისყრას ესწრებოდა საკრებულოს 27 წევრი

კენჭისყრის შედეგები:

მომხრე – 26, წინააღმდეგი – 2 (კ. ლატარია, ე. წურწუშია)

(კენჭისყრას არ ესწრებოდნენ: ი. გოგოლაძე, მ. ლავგილავა)

გადაწყვეტილება მიღებულია

(დადგენილება N13 ოქმს თან ერთვის)

2. „ხობის მუნიციპალიტეტის გამგეობის შიდა აუდიტისა და კონტროლის სამსახურის დებულების დამტკიცების შესახებ“ ხობის მუნიციპალიტეტის საკრებულოს 2014 წლის 28 ივლისის №25 დადგენილებაში ცვლილების შეტანის თაობაზე“ დადგენილების პროექტის განხილვა.

(მომხსენებელი: გ. ქაჯაია - მუნიციპალიტეტის გამგებელი;

თანამომხსენებელი: ზ. ბუკია - ხობის მუნიციპალიტეტის გამგეობის  
ადმინისტრაციული სამსახურის უფროსი);

მოისმინეს: ზ. ბუკია - მომხსენებელმა საკრებულოს წევრებს გააცნო დადგენილების პროექტი „ხობის მუნიციპალიტეტის გამგეობის შიდა აუდიტისა და კონტროლის სამსახურის დებულების დამტკიცების შესახებ“ ხობის მუნიციპალიტეტის საკრებულოს 2014 წლის 28 ივლისის №25 დადგენილებაში ცვლილების შეტანის თაობაზე“

სხდომის თავმჯდომარემ მიმართა საკრებულოს წევრებს, გამოეთქვათ შენიშვნები და მოსაზრებები წარმოდგენილ პროექტთან დაკავშირებით. საკრებულოს წევრების მხრიდან რაიმე სახის მოსაზრება არ გამოთქმულა, რის შემდგომაც სთხოვა იურიდიულ საკითხთა და ადამიანის უფლებათა დაცვის კომისიის თავმჯდომარეს (ლ. ცატავა) წარმოედგინა კომისიის დასკვნა წარმოდგენილ საკითხთან დაკავშირებით

ლ. ცატავა - გამომსვლელმა საკრებულოს წევრებს გააცნო კომისიის დასკვნა წარმოდგენილ საკითხთან და დღის წესრიგით მე-6 საკითხად წარმოდგენილ „ხობის მუნიციპალიტეტის გამგეობის საშტატო ნუსხის დამტკიცების შესახებ“ ხობის მუნიციპალიტეტის საკრებულოს 2014 წლის 28 ივლისის №52 განკარგულებაში ცვლილების შეტანის თაობაზე“ განკარგულების პროექტთან დაკავშირებით (ოქმს თან ერთვის) და აღნიშნა, რომ „სახელმწიფო შიდა ფინანსური კონტროლის შესახებ“ საქართველოს კანონში განხორციელებული ცვლილების თანახმად, შიდა აუდიტის ფუნქციისაგან უნდა იქნეს გამიჯნული სამსახურებრივი გადაცდომის ან/და დაწესებულების მიზნებთან შეუსაბამო ქმედების არსებობის შემოწმებისა და აღმოჩენის მიზნით სამსახურებრივი შემოწმების ღონისძიებები, რაც ხობის მუნიციპალიტეტის გამგეობის შიდა აუდიტისა და კონტროლის სამსახურის ერთ-ერთ ძირითად ფუნქციათაგანია. კანონმდებლობაში განხორციელებული ცვლილების შესაბამისად, ხობის მუნიციპალიტეტის გამგეობაში, მიზანშეწონილად იქნა მიჩნეული გამგეობის შიდა აუდიტისა და კონტროლის სამსახურში შიდა აუდიტის განყოფილების შექმნა და შიდა აუდიტის ფუნქციების გამიჯვნა სამსახურის სხვა ფუნქციებისგან. ზემოთ აღნიშნული გარემოების გათვალისწინებით, მომზადდა ხობის მუნიციპალიტეტის საკრებულოს დადგენილების პროექტი „ხობის მუნიციპალიტეტის გამგეობის შიდა აუდიტისა და კონტროლის სამსახურის დებულების დამტკიცების შესახებ“ ხობის მუნიციპალიტეტის საკრებულოს 2014 წლის 28 ივლისის №25 დადგენილებაში ცვლილების შეტანის თაობაზე“ და განკარგულების პროექტი „ხობის მუნიციპალიტეტის გამგეობის საშტატო ნუსხის დამტკიცების შესახებ“ ხობის მუნიციპალიტეტის საკრებულოს 2014 წლის 28 ივლისის №52 განკარგულებაში ცვლილების შეტანის თაობაზე“. მომზადებული საშტატო ნუსხის თანახმად, შიდა

აუდიტის განყოფილებაში გათვალისწინებულია 3 საშტატო ერთეული: 1 განყოფილების უფროსი, 1 მთავარი სპეციალისტი და 1 წამყვანი სპეციალისტი, ხოლო სამსახურის დებულებით გათვალისწინებული სხვა უფლებამოსილებების განსახორციელებლად, განყოფილების გარეთ ასევე 2 საშტატო ერთეული - 1 მთავარი სპეციალისტი და 1 უფროსი სპეციალისტი. შიდა აუდიტისა და კონტროლის სამსახურში განხორციელებული ცვლილების პარალელურად, ინფრასტრუქტურის, ურბანული განვითარებისა და არქიტექტურის სამსახურის ურბანული განვითარებისა და ინფრასტრუქტურული პროექტების მართვის განყოფილებაში 1 მთავარი სპეციალისტის შტატი გარდაიქმნება წამყვანი სპეციალისტის შტატად. გამომსვლელის განცხადებით, გამგეობის მიერ წარმოდგენილი პროექტები მომზადებულია კანონის მოთხოვნათა გათვალისწინებით და კომისიას მიზანშეწონილად მიაჩნია საკრებულოს სხდომაზე მათი დამტკიცება.

კენჭი ეყარა წარმოდგენილ დადგენილების პროექტს

კენჭისყრას ესწრებოდა საკრებულოს 26 წევრი

კენჭისყრის შედეგები:

მომხრე – 26, წინააღმდეგი – 0

(კენჭისყრას არ ესწრებოდნენ: კ. ლატარია, ე. წურწუმია, მ. ლაგვილავა, ფ. შონია)

### გადაწყვეტილება მიღებულია

(დადგენილება N14 ოქმს თან ერთვის)

3. „ქ. ხობში ცენტრალური სტადიონისთვის პაატა თათარიშვილის სახელის მინიჭების მიზანშეწონილობის თაობაზე“ განკარგულების პროექტის განხილვა.

(მომხსენებელი: გ. ქაჯაია - მუნიციპალიტეტის გამგებელი;

თანამომხსენებელი: ა. ვარდია - ეკონომიკური განვითარებისა და პროგრამების მართვის სამსახურის უფროსი);

მოისმინეს: ა. ვარდია - მომხსენებელმა საკრებულოს წევრებს გააცნო განკარგულების პროექტი „ქ. ხობში ცენტრალური სტადიონისთვის პაატა თათარიშვილის სახელის მინიჭების მიზანშეწონილობის თაობაზე“

სხდომის თავმჯდომარემ განაცხადა, რომ ხობელების უმრავლესობის სურვილია ხობის ცენტრალური სტადიონს მიენიჭოს პაატა თათარიშვილის სახელი, რომელსაც უდიდესი წვლილი მიუძღვის ხობში ფეხბურთის განვითარების საქმეში, „მართალია ჯერ არ ვიცით თუ რა გადაწყვეტილებას მიიღებს გეოგრაფიული ობიექტების სახელწოდებათა დადგენის, ნორმალიზების, გამოყენების, რეგისტრაციის, აღრიცხვისა და დაცვის სამთავრობო კომისია, მაგრამ იმედს გამოვთქვამ, რომ საკითხი დადებითად გადაწყდება. დიდი მადლობა მინდა გადაუხადა საინიციატივო ჯგუფს, საკითხის დასმისთვის, ასევე მადლობა გადაუხადო

გამგეობის და საკრებულოს ყველა თანამშრომელს, მათ შორის განსაკუთრებულად საკრებულოს აპარატის უფროსს ქალბატონ ლელა შამათავას, რომელსაც უდიდესი წვლილი მიუძღვის სამთავრობო კომისიაში გადასაგზავნი დოკუმენტაციის მომზადებაში“ - განაცხადა მან.

სხდომის თავმჯდომარემ მიმართა საკრებულოს წევრებს, გამოეთქვათ შენიშვნები და მოსაზრებები წარმოდგენილ პროექტთან დაკავშირებით. საკრებულოს წევრების მხრიდან რაიმე სახის მოსაზრება არ გამოთქმულა, რის შემდგომაც სთხოვა ეკონომიკური განვითარების საკითხთა კომისიის თავმჯდომარეს (გ. სიჭინავა) წარმოედგინა კომისიის დასკვნა განსახილველ საკითხთან დაკავშირებით

გ. სიჭინავა - გამომსვლელმა საკრებულოს წევრებს გააცნო კომისიის დასკვნა წარმოდგენილ საკითხთან დაკავშირებით (ოქმს თან ერთვის) და აღნიშნა, რომ ხობის მუნიციპალიტეტის საკრებულოში შემოვიდა ფეხბურთის გულშემატკივართა განცხადება, სადაც ისინი ითხოვდნენ ხობის ცენტრალური სტადიონისთვის სპორტის ღვაწლმოსილი მუშაკის, წარსულში ცნობილი ფეხბურთელის, მწვრთნელის და საფეხბურთო კლუბ „კოლხეთის“ ყოფილი თავკაცისა და პრეზიდენტის პაატა თათარიშვილის სახელის მინიჭებას. საკრებულოს ეკონომიკური განვითარების საკითხთა კომისიის მიერ შესწავლილ იქნა აღნიშნული საკითხი, მოძიებულ იქნა შესაბამისი დოკუმენტაცია და აღნიშნა, რომ პ. თათარიშვილს უდიდესი ღვაწლი მიუძღვის ხობში ფეხბურთის განვითარების საქმეში, ის თავადაც თამაშობდა ხობის „კოლხეთში“ თავდამსხმელის პოზიციაზე და წლების განმავლობაში ძირითადად ლიდერის პოზიციას ინარჩუნებდა, შემდეგ კი გუნდის თავკაცი გახდა და ამ პერიოდშიც არაერთ გამარჯვებას მიაღწია გუნდმა, 1988 წელს ხობის „კოლხეთი“ საქართველოს ჩემპიონი გახდა, ხოლო წინა და მომდევნო წლებშიც ჩემპიონატში ღირსეულად ეჭირა მეორე ადგილი, ამის დასტურია იმდროინდელი პრესის მასალები, სიგელები და დიპლომები, რომლებიც მოძიებულ იქნა კომისიის მიერ. საქართველოს ორგანული კანონის „ადგილობრივი თვითმმართველობის კოდექსი“ მე-16 მუხლის მეორე ნაწილის „პ“ ქვეპუნქტის თანახმად ადგილობრივი თვითმმართველობა უფლებამოსილია მუნიციპალიტეტის ტერიტორიის ფარგლებში უზრუნველყოს გეოგრაფიული ობიექტების სახელდება, თუმცა „მუნიციპალიტეტის ადმინისტრაციულ საზღვრებში მდებარე გეოგრაფიული ობიექტების სახელდების წესის დამტკიცების შესახებ“ საქართველოს მთავრობის 2015 წლის 1 ივნისის N239 დადგენილების მე-5 მუხლის პირველი პუნქტის თანახმად „სახელმწიფო და საზოგადო მოღვაწე პირთან დაკავშირებული სახელდება დასაშვებია ამ პირის გარდაცვალებიდან არანაკლებ 20 წლის გასვლის შემდეგ, ამ წესიდან გამონაკლისის დაშვების მიზანშეწონილობის თაობაზე გადაწყვეტილებას იღებს მუნიციპალიტეტის საკრებულო“, გამომდინარე იქედან, რომ პ.

თათარიშვილი გარდაიცვალა 2009 წელს, მთავრობის დადგენილებით დადგენილი ნორმის შესაბამისად მომზადდა განკარგულების პროექტი „ქალაქ ხობში ცენტრალური სტადიონისთვის პაატა თათარიშვილის სახელის მინიჭების მიზანშეწონილობის თაობაზე“. გამომსვლელის განცხადებით, წარმოდგენილი განკარგულების პროექტი მომზადებულია კანონის მოთხოვნათა შესაბამისად და კომისიას მიზანშეწონილად მიაჩნია საკრებულოს სხდომაზე მისი დამტკიცება.

კენჭი ეყარა წარმოდგენილ განკარგულების პროექტს

კენჭისყრას ესწრებოდა საკრებულოს 27 წევრი

კენჭისყრის შედეგები:

მომხრე – 27, წინააღმდეგი – 0

(კენჭისყრას არ ესწრებოდნენ: კ. ლატარია, ე. წურწუმია, ფ. შონია)

გადაწყვეტილება მიღებულია

(განკარგულება N28 ოქმს თან ერთვის)

4. „ხობის მუნიციპალიტეტის საკუთრებაში არსებული ავტოსატრანსპორტო საშუალების სახელმწიფო საკუთრებაში უსასყიდლოდ გადაცემაზე თანხმობის მიცემის თაობაზე“ განკარგულების პროექტის განხილვა.

(მომხსენებელი: გ. ქაჯაია - მუნიციპალიტეტის გამგებელი;

თანამომხსენებელი: ა. ვარდია - ეკონომიკური განვითარებისა და პროგრამების მართვის სამსახურის უფროსი);

მოისმინეს: ა. ვარდია - მომხსენებელმა საკრებულოს წევრებს გააცნო განკარგულების პროექტი „ხობის მუნიციპალიტეტის საკუთრებაში არსებული ავტოსატრანსპორტო საშუალების სახელმწიფო საკუთრებაში უსასყიდლოდ გადაცემაზე თანხმობის მიცემის თაობაზე“

სხდომის თავმჯდომარემ მიმართა საკრებულოს წევრებს, გამოეთქვათ შენიშვნები და მოსაზრებები წარმოდგენილ პროექტთან დაკავშირებით.

აზრი გამოთქვეს: ნ. შუშანია - გამომსვლელმა აღნიშნა, რომ მისი აზრით უმჯობესი იქნებოდა მუნიციპალიტეტის ბალანსზე დარჩენილიყო ავტომანქანა „ტოიოტა ქემრი“ და ისევ თხოვნების ფორმით გადაეცათ სუსისთვის გარკვეული ვადით.

სხდომის თავმჯდომარემ სთხოვა ეკონომიკური განვითარების საკითხთა კომისიის თავმჯდომარეს (გ. სიჭინავა) წარმოედგინა კომისიის დასკვნა განსახილველ საკითხთან დაკავშირებით

გ. სიჭინავა - გამომსვლელმა საკრებულოს წევრებს გააცნო კომისიის დასკვნა წარმოდგენილ საკითხთან დაკავშირებით (ოქმს თან ერთვის) და აღნიშნა, რომ მუნიციპალიტეტის ბალანსზე ირიცხება მსუბუქი ავტომანქანა „ტოიოტა ქემრი“ გამოშვებული 2012 წელს, შავი ფერის, ტიპი-მსუბუქი გამავლობის, რომელიც ხობის მუნიციპალიტეტის გამგებლის ბრძანების საფუძველზე სარგებლობის უფლებით გადაცემული ჰქონდა საქართველოს სახელმწიფო უსაფრთხოების დეპარტამენტს. საქართველოს სახელმწიფო უსაფრთხოების დეპარტამენტის 2016 წლის 29 თებერვლის N512909 და სახელმწიფო ქონების ეროვნული სააგენტოს 2016 წლის 2 მარტის N5/10184 წერილების საფუძველზე გამგეობის ეკონომიკური განვითარებისა და ქონების მართვის სამსახურის მიერ მომზადდა წარმოდგენილი განკარგულების პროექტი ავტომანქანა „ტოიოტა ქემრის“ სახელმწიფოსთვის საკუთრებაში უსასყიდლოდ გადაცემაზე გამგებლისთვის თანხმობის მიცემის თაობაზე. გამომსვლელის განცხადებით, გამგეობის მიერ წარმოდგენილი პროექტი მომზადებულია კანონის მოთხოვნათა შესაბამისად და კომისიას მიზანშეწონილად მიაჩნია საკრებულოს სხდომაზე მისი გატანა დასამტკიცებლად.

კენჭი ეყარა წარმოდგენილ განკარგულების პროექტს

კენჭისყრას ესწრებოდა საკრებულოს 25 წევრი

კენჭისყრის შედეგები:

მომხრე – 24, წინააღმდეგი – 1 (ნ. შუშანია)

(კენჭისყრას არ ესწრებოდნენ: კ. ლატარია, ე. წურწუშია, ფ. შონია, მ. ქარდავა, მ. ლავგილავა)

გადაწყვეტილება მიღებულია

(განკარგულება N29 ოქმს თან ერთვის)

5. „ადგილობრივი თვითმმართველობის წარმომადგენლობითი ორგანოს - საკრებულოს 2014 წლის 15 ივნისის არჩევნების სოფელ ყულევის №66.17 ადგილობრივ მაჟორიტარულ საარჩევნო ოლქში 2016 წლის 22 მაისს გასამართ ხობის მუნიციპალიტეტის საკრებულოს შუალედურ არჩევნებთან დაკავშირებით გასატარებელი ღონისძიებების შესახებ“ განკარგულების პროექტის განხილვა.

(მომხსენებელი: გ. ქაჯაია - მუნიციპალიტეტის გამგებელი;

თანამომხსენებელი: ა. ვარდია - ეკონომიკური განვითარებისა და პროგრამების მართვის

სამსახურის უფროსი);

მოისმინეს: ა. ვარდია - მომხსენებელმა საკრებულოს წევრებს გააცნო განკარგულების პროექტი „ადგილობრივი თვითმმართველობის წარმომადგენლობითი ორგანოს - საკრებულოს 2014 წლის 15 ივნისის არჩევნების სოფელ ყულევის №66.17 ადგილობრივ მაჟორიტარულ საარჩევნო ოლქში 2016 წლის 22 მაისს გასამართ ხობის მუნიციპალიტეტის

საკრებულოს შუალედურ არჩევნებთან დაკავშირებით გასატარებელი ღონისძიებების შესახებ“

სხდომის თავმჯდომარემ მიმართა საკრებულოს წევრებს, გამოეთქვათ შენიშვნები და მოსაზრებები წარმოდგენილ პროექტთან დაკავშირებით. საკრებულოს წევრების მხრიდან რაიმე სახის მოსაზრება არ გამოთქმულა, რის შემდგომაც სთხოვა იურიდიულ საკითხთა და ადამიანის უფლებათა დაცვის კომისიის თავმჯდომარეს (ლ. ცატავა) წარმოედგინა კომისიის დასკვნა განსახილველ საკითხთან დაკავშირებით

ლ. ცატავა - გამომსვლელმა საკრებულოს წევრებს გააცნო კომისიის დასკვნა წარმოდგენილ საკითხთან დაკავშირებით (ოქმს თან ერთვის) და აღნიშნა, რომ ხობის მუნიციპალიტეტის სოფელ ყულევის N66.17 ადგილობრივი მაჟორიტარული საარჩევნო ოლქიდან არჩეულ ხობის მუნიციპალიტეტის საკრებულოს წევრს შოთა სირაძეს, 2016 წლის 28 იანვრიდან ვადამდე შეუწყდა ხობის მუნიციპალიტეტის საკრებულოს წევრის უფლებამოსილება, რის საფუძველზეც საქართველოს ცენტრალური საარჩევნო კომისიის 2016 წლის 22 მარტის N127/2016 წლის განკარგულებით სოფელ ყულევის №66.17 ადგილობრივ მაჟორიტარულ საარჩევნო ოლქში 2016 წლის 22 მაისს დაინიშნა ხობის მუნიციპალიტეტის საკრებულოს შუალედური არჩევნები. წარმოდგენილი პროექტი მიზნად ისახავს სოფელ ყულევის №66.17 ადგილობრივ მაჟორიტარულ საარჩევნო ოლქში წინასაარჩევნო კამპანიის მიმდინარეობის პერიოდში შენობა-ნაგებობების გარე იერსახის დამახინჯებისა და საარჩევნო ატრიბუტიკის შეუფერებელ ადგილებში განთავსების აღკვეთას, ამასთან წარმოდგენილი პროექტით განისაზღვრება საარჩევნო სუბიექტებისთვის ამომრჩევლებთან შეხვედრების, კრებების, საჯარო დებატებისა და დისკუსიების გასამართად ხობის მუნიციპალიტეტის საკუთრებაში არსებული შენობა-ნაგებობები, ასევე ადგილები, სადაც შესაძლებელი იქნება წინასაარჩევნო აგიტაციისთვის განთავსდეს არჩევნებში მონაწილე საარჩევნო სუბიექტების სარეკლამო პლაკატები და განცხადებები. გამომსვლელის განცხადებით, გამგეობის მიერ პროექტი მომზადებულია კანონის მოთხოვნათა გათვალისწინებით და კომისიას მიზანშეწონილად მიაჩნია საკრებულოს სხდომაზე მისი დამტკიცება.

კენჭი ეყარა წარმოდგენილ განკარგულების პროექტს

კენჭისყრას ესწრებოდა საკრებულოს 27 წევრი

კენჭისყრის შედეგები:

მომხრე – 27, წინააღმდეგი – 0

(კენჭისყრას არ ესწრებოდნენ: კ. ლატარია, ე. წურწუშია, დ. გულუა)

გადაწყვეტილება მიღებულია

(განკარგულება N30 ოქმს თან ერთვის)

6. „ხობის მუნიციპალიტეტის გამგეობის საშტატო ნუსხის დამტკიცების შესახებ“ ხობის მუნიციპალიტეტის საკრებულოს 2014 წლის 28 ივლისის №52 განკარგულებაში ცვლილების შეტანის თაობაზე“ განკარგულების პროექტის განხილვა.

(მომხსენებელი: გ. ქაჯაია - მუნიციპალიტეტის გამგებელი;

თანამომხსენებელი: ზ. ბუკია - ხობის მუნიციპალიტეტის გამგეობის ადმინისტრაციული სამსახურის უფროსი);

მოსმინეს: ზ. ბუკია - მომხსენებელმა საკრებულოს წევრებს გააცნო განკარგულების პროექტი „ხობის მუნიციპალიტეტის გამგეობის საშტატო ნუსხის დამტკიცების შესახებ“ ხობის მუნიციპალიტეტის საკრებულოს 2014 წლის 28 ივლისის №52 განკარგულებაში ცვლილების შეტანის თაობაზე“

სხდომის თავმჯდომარემ მიმართა საკრებულოს წევრებს, გამოეთქვათ შენიშვნები და მოსაზრებები წარმოდგენილ პროექტთან დაკავშირებით.

აზრი გამოთქვეს: მ. ქარდავა - გამომსვლელი დაინტერესდა, თუ რამდენი ერთეულით იზრდებოდა გამგეობის საშტატო ნუსხა და სახელფასო მაჩვენებელი ხომ არ ცდებოდა კანონმდებლობით დადგენილ 25%-იან ზღვარს?

ზ. ბუკია - გამომსვლელმა განმარტა, რომ რეალურად ემატება ორი შტატი და ერთი ადრე არსებული შრომითი ხელშეკრულება გადადის საშტატო ნუსხაში, რაც შეეხება სახელფასო მაჩვენებლებს ის არ ცდება 25% ზღვარს.

ტ. ალექსანდრია - განმარტა, რომ სახელფასო განაკვეთი გაიზარდა 0.1%-ით და ჯამში დაახლოებით 22%-ია.

დებატების დასრულების შემდგომ კენჭი ეყარა წარმოდგენილ განკარგულების პროექტს კენჭისყრას ესწრებოდა საკრებულოს 24 წევრი

კენჭისყრის შედეგები:

მომხრე – 24, წინააღმდეგი – 0

(კენჭისყრას არ ესწრებოდნენ: კ. ლატარია, ე. წურწუშია, დ. გულუა, ი. ნადარაია, ლ. ლოლუა, კ. მიქაბერიძე)

გადაწყვეტილება მიღებულია

(განკარგულება N31 ოქმს თან ერთვის)

7. „ხობის მუნიციპალიტეტის საკრებულოს იურიდიულ საკითხთა და ადამიანის უფლებათა დაცვის კომისიის შემადგენლობის დამტკიცების შესახებ“ ხობის მუნიციპალიტეტის

საკრებულოს 2014 წლის 16 ივლისის N48 განკარგულებაში ცვლილების შეტანის თაობაზე“ განკარგულების პროექტის განხილვა.

(მომხსენებელი: ნ. შუშანია - საკრებულოს სამანდატო-საპროცედურო საკითხთა კომისიის თავმჯდომარე)

მოისმინეს: ნ. შუშანია - მომხსენებელმა საკრებულოს წევრებს გააცნო განკარგულების პროექტი „ხობის მუნიციპალიტეტის საკრებულოს იურიდიულ საკითხთა და ადამიანის უფლებათა დაცვის კომისიის შემადგენლობის დამტკიცების შესახებ“ ხობის მუნიციპალიტეტის საკრებულოს 2014 წლის 16 ივლისის N48 განკარგულებაში ცვლილების შეტანის თაობაზე“ და კომისიის დასკვნა განსახილველ საკითხთან დაკავშირებით (ოქმს თან ერთვის) და აღნიშნა, რომ საკრებულოს წევრი გენადი ქაძანია საკრებულოს თავმჯდომარის სახელზე შემოვიდა განცხადებით საკრებულოს იურიდიულ საკითხთა და ადამიანის უფლებათა დაცვის კომისიაში გაწევრიანების თაობაზე. კომისიის მიერ განცხადების შესაბამისად მომზადდა განკარგულების პროექტი „ხობის მუნიციპალიტეტის საკრებულოს იურიდიულ საკითხთა და ადამიანის უფლებათა დაცვის კომისიის შემადგენლობის დამტკიცების შესახებ“ ხობის მუნიციპალიტეტის საკრებულოს 2014 წლის 16 ივლისის N48 განკარგულებაში ცვლილების შეტანის თაობაზე“. გამომსვლელის განცხადებით, წარმოდგენილი პროექტი აკმაყოფილებს საქართველოში მოქმედ კანონმდებლობას და კომისიას მიზანშეწონილად მიაჩნია საკრებულოს სხდომაზე მისი დამტკიცება.

სხდომის თავმჯდომარემ მიმართა საკრებულოს წევრებს, გამოეთქვათ შენიშვნები და მოსაზრებები წარმოდგენილ პროექტთან დაკავშირებით. საკრებულოს წევრების მხრიდან რაიმე სახის მოსაზრება არ გამოთქმულა.

კენჭი ეყარა წარმოდგენილ განკარგულების პროექტს

კენჭისყრას ესწრებოდა საკრებულოს 24 წევრი

კენჭისყრის შედეგები:

მომხრე – 24, წინააღმდეგი – 0

(კენჭისყრას არ ესწრებოდნენ: კ. ლატარია, ე. წურწუშია, დ. გულუა, ი. ნადარაია, ლ. ლოლუა, რ. გვარამია)

გადაწყვეტილება მიღებულია

(განკარგულება N32 ოქმს თან ერთვის)

8. ხობის მუნიციპალიტეტის გამგეობის შიდა აუდიტისა და კონტროლის სამსახურის მიერ 2015 წელს გაწეული მუშაობის ანგარიში.

(მომხსენებელი: მ. ნაჭყებია - გამგეობის შიდა აუდიტისა და კონტროლის

მოისმინეს: მ. ნაჭყებია - მომხსენებელმა საკრებულოს წევრებს გააცნო ხობის მუნიციპალიტეტის გამგეობის შიდა აუდიტისა და კონტროლის სამსახურის მიერ 2015 წელს გაწეული მუშაობის ანგარიში

სხდომის თავმჯდომარემ აღნიშნა, რომ როგორც ანგარიშიდან მოვისმინეთ გამგეობის შიდა აუდიტისა და კონტროლის სამსახური უზრუნველყოფს ადგილობრივი თვითმმართველობის ორგანოებისა და მუნიციპალიტეტის მიერ დაფუძნებული იურიდიული პირების საქმიანობის სრულყოფას, ფინანსების მართვის გაუმჯობესებას, სახსრების, სხვა მატერიალური ფასეულობების ხარჯვისა და გამოყენების კანონიერებას, მიზნობრიობის დაცვასა და ეფექტიანობის გაზრდას, სამსახური დამოუკიდებელია თავის საქმიანობაში. აუდიტის ანგარიში მოსმენილ იქნა საკრებულოს კომისიების გაერთიანებულ სხდომაზე, იყო სხვადასხვა სახის შენიშვნები და კითხვები, რომლებზეც მიიღეს ამომწურავი პასუხი. გამომსვლელმა იქვე მიმართა საკრებულოს წევრებს, გამოეთქვათ შენიშვნები და მოსაზრებები წარმოდგენილ ანგარიშთან დაკავშირებით. საკრებულოს წევრების მხრიდან რაიმე სახის შენიშვნა ან მოსაზრება არ გამოთქმულა, რის შემდგომაც სთხოვა საფინანსო-სარევიზიო კომისიის თავმჯდომარეს (ტ. ალექსანდრია) წარმოედგინა კომისიის დასკვნა წარმოდგენილ ანგარიშთან დაკავშირებით

ტ. ალექსანდრია - გამომსვლელმა საკრებულოს წევრებს გააცნო კომისიის დასკვნა წარმოდგენილ ანგარიშთან დაკავშირებით (ოქმს თან ერთვის) და აღნიშნა, რომ შიდა აუდიტისა და კონტროლის სამსახურის მიერ 2015 წლის სამუშაო გეგმის საფუძველზე ჩატარდა შიდა აუდიტორული შემოწმება ხობის მუნიციპალიტეტის ადგილობრივი თვითმმართველობის იურიდიულ პირებსა და ხობის მუნიციპალიტეტის გამგეობის ექვს სტრუქტურულ ერთეულში. კომისიის სხდომაზე გამოიკვეთა, რომ საჯარო სამსახურებში საჯარო მოხელეთა და იურიდიულ პირებში დასაქმებული პირების მხრიდან ადგილი აქვს სისტემატურ გაცდენებს, ასევე დგას სამსახურებში გამოცხადების პრობლემა, რაზეც გამგეობის შიდა აუდიტისა და კონტროლის სამსახურს მიეცა რეკომენდაცია მსგავსი გადაცდომების აღკვეთის მიზნით მოახდინონ შესაბამისი რეაგირება. ასევე კომისიის მხრიდან აუდიტის სამსახურს მიეცა რეკომენდაცია მოამზადოს გამოვლენილი უზუსტობების აღმოსაფხვრის მიზნით წინადადებები, რაზედაც კომისიის მხრიდან განხორციელდება მონიტორინგი. კომისიის სხდომაზე სამსახურის ანგარიშის მოსმენისას, თავად სამსახურის ხელმძღვანელისა და თანამშრომლების მხრიდან აღინიშნა, რომ გამომდინარე იქიდან სამსახური ქვეყნის მასშტაბით ახალი შექმნილია ადგილობრივ დონეზე, საქმეში არის ისეთი დეტალები და ნიუანსები, რომელიც საჭიროებს უფრო მეტ

რეკომენდაციებისა. თუმცა მათი მხრიდან აღნიშნა ისიც, რომ ამ ერთწლიანმა მუშაობამ მათ გარკვეული გამოცდილება შესძინა და გამოთქევს მზადყოფნა მიმდინარე წელი უფრო მეტად ეფექტური და შედეგობრივად თვალსაჩინო გახადონ. გამომსვლელის განცხადებით, ზემო აღნიშნულიდან გამომდინარე კომისიამ იმსჯელა და ამ ეტაპზე სამსახურის მუშაობა შეაფასა დამაკმაყოფილებლად.

კენჭი ეყარა წარმოდგენილი ანგარიშის შეფასებას

კენჭისყრას ესწრებოდა საკრებულოს 24 წევრი

არადამაკმაყოფილებელი – 0

დამაკმაყოფილებელი – 23

დადებითი – 1 (ნ. შუშანია)

(კენჭისყრას არ ესწრებოდნენ: კ. ლატარია, ე. წურწუშია, დ. გულუა, ი. ნადარაია, ლ. ლოლუა, შ. ჭილაია)

დაადგინეს: წარმოდგენილი ანგარიში ხობის მუნიციპალიტეტის გამგეობის შიდა აუდიტისა და კონტროლის სამსახურის მიერ 2015 წელს გაწეული მუშაობის შესახებ, შეფასდეს დამაკმაყოფილებლად.

კენჭისყრის დასრულების შემდგომ გაიმართა დიალოგი კითხვა-პასუხის რეჟიმში, საკრებულოს წევრებსა და საქართველოს სოფლის მეურნეობის სამინისტროს ტერიტორიული ორგანოს, ხობის მუნიციპალიტეტის საინფორმაციო საკონსულტაციო სამსახურის მთავარ სპეციალისტთან ბესიკ ნაჭყებთან

აზრი გამოთქევს: გ. ზარანდია - გამომსვლელმა გააჟღერა ახალი ხიბულის ადმინისტრაციულ ერთეულში მცხოვრები მოსახლეობის აზრი, რომ მათ სოფელში არსებული მიწის ნაკვეთების დამუშავების მიზნით გამოყოფილი ბელორუსის ტიპის ტრაქტორების უმრავლესობა გაუმართავია, რაც მისი თქმით ვერ უზრუნველყოფს მიწის დროულად და ხარისხიანად დამუშავებას, რის გამოც მოსახლეობა გამოთქევამს უკმაყოფილებას და ითხოვენ გამართული ტექნიკის შემოყვანას.

ჟ. ნადარაია, ი. გოგოლაძე - გამომსვლელების განცხადებით ახალსოფლისა და საგვიჩიოს ადმინისტრაციულ ერთეულებში არსებული ტრაქტორები გადანაწილებულ იქნა პატარა ფოთის ადმინისტრაციულ ერთეულში, ხოლო მათ სოფლებში გამოგზავნილ იქნა გაუმართავი ტრაქტორები, აღნიშნეს რომ სოფლის მოსახლეობა უკმაყოფილებას გამოხატავს აღნიშნულთან დაკავშირებით.

ბ. ნაჭყებია - გამომსვლელმა განმარტა, რომ როგორც მისთვის ცნობილია, წელს ყველაზე უკეთესად არის ორგანიზებული ტრაქტორების გადანაწილებისა და მიწის დამუშავების საკითხი, ყველა ნიუანსი გათვლილია, ყველა ადმინისტრაციულ ერთეულში

გადანაწილებული ტრაქტორების ტექნიკური მდგომარეობა და გამართულობა გადამოწმებულია შესაბამისი სამსახურების მიერ. თუ რომელიმე ტრაქტორი გამოვიდა მწყობრიდან, მაშინ ჩანაცვლებულ იქნება სხვა ტრაქტორით და მუნიციპალიტეტის ტერიტორიაზე არ დარჩება არცერთი მტკაველი დაუმუშავებელი მიწა. გამომდინარე აქედან მოსახლეობის საჩივარი ამ ეტაპზე უსაფუძლოდ მიაჩნია.

#### გამოცხადდა შესვენება 15 წუთით

9. ხობის მუნიციპალიტეტის გამგეობის მიერ 2015 წელს გაწეული მუშაობის ანგარიში.

(მომხსენებელი: გ. ქაჯაია - მუნიციპალიტეტის გამგებელი);

მოსმინეს: გ. ქაჯაია - მომხსენებელმა საკრებულოს წევრებს გააცნო ანგარიში ხობის მუნიციპალიტეტის გამგეობის მიერ 2015 წელს გაწეული მუშაობის შესახებ (ოქმს თან ერთვის). გამომსვლელმა ვრცლად ისაუბრა გამგეობის სამსახურების მიერ გაწეულ საქმიანობაზე, მათ კომპეტენციას მიკუთვნებული საქმიანობის შედეგად მუნიციპალიტეტის მასშტაბით მიღწეულ შედეგებზე. ასევე ისაუბრა მუნიციპალიტეტში განხორციელებულ წარმატებულ ინფრასტრუქტურულ პროექტებზე. განხორციელებული პროექტები თვალსაჩინოებისთვის საკრებულოს სხდომაზე წარმოდგენილი იყო სლაიდების სახით.

სხდომის თავმჯდომარემ მიმართა საკრებულოს წევრებს, გამოეთქვათ შენიშვნები და მოსაზრებები წარმოდგენილ ანგარიშთან დაკავშირებით.

აზრი გამოთქვას: რ. გვარამია - გამომსვლელმა აღნიშნა, რომ მიესალმება მუნიციპალიტეტში განხორციელებულ სამელიორაციო სამუშაოების ჩატარებას, მაგრამ დაინტერესდა მიმდინარე წელს გათვალისწინებული იქნება თუ არა პირველი ხორგის ადმინისტრაციულ ერთეულში ზემოთაღნიშნული სამუშაოების განხორციელება.

გ. ქაჯაია - გამომსვლელმა განაცხადა, რომ სამელიორაციო სამუშაოები ჩატარდა მუნიციპალიტეტის რამოდენიმე სოფელში, დარჩენილია რამოდენიმე სოფლები, სადაც ჯერ კიდევ ჩასატარებელია სამელიორაციო სამუშაოები. სამუშაო გეგმის შესაბამისად ყველა სოფელში განხორციელდება მსგავსი ტიპის სამუშაოები, რაც შეეხება პირველ ხორგას იქაც სამუშაოები ჩატარდება განრიგის შესაბამისად.

სხდომის თავმჯდომარემ მოკლედ შეაფასა გამგეობის 2015 წლის ანგარიში და აღნიშნა, რომ განხორციელებული პროექტები და მიღწეული წარმატებები ადგილობრივი ხელისუფლების ზალისხმევით განხორციელდა, მიმდინარე წელსაც ცდილობს ადგილობრივი ხელისუფლება უკეთესი შედეგები იყოს მიღწეული. საქმიანობის პროცესში არის შეფერხებები, რომელთა უმეტესობა ოპერატიულად გვარდება, თუმცა ეს

თვითდამშვიდების საშუალებას არ იძლევა და განაცხადა, მისი, როგორც რიგითი საკრებულოს წევრის აზრია, რომ გამგეობის მიერ გაწეული საქმიანობა შეფასდეს დადებითად.

კენჭი ეყარა წარმოდგენილი ანგარიშის შეფასებას

კენჭისყრას ესწრებოდა საკრებულოს 24 წევრი

არადამაკმაყოფილებელი – 0

დამაკმაყოფილებელი – 0

დადებითი – 24

(კენჭისყრას არ ესწრებოდნენ: კ. ლატარია, ე. წურწუშია, დ. გულუა, ი. ნადარაია, ლ. ლოლუა, რ. გვარამია)

დაადგინეს: წარმოდგენილი ანგარიში ხობის მუნიციპალიტეტის გამგეობის მიერ 2015 წელს გაწეული მუშაობის შესახებ შეფასდეს დადებითად.

დღის წესრიგით გათვალისწინებული საკითხების განხილვის დასრულების შემდგომ განცხადების გაკეთების უფლება ითხოვა შუა ხორგის ადმინისტრაციულ ერთეულში მცხოვრებმა მოქალაქემ ქართლოს ჯობავამ და აღნიშნა, რომ მისი აზრით მუნიციპალიტეტის მუშაობა უნდა შეფასებულიყო არადამაკმაყოფილებლად, რადგანაც მუნიციპალიტეტის უმრავლეს სოფლებს არ ექცევა სათანადო ყურადღება, რომელიც უარყოფითად აისახება მოსახლეობაზე. მაგალითად სოფელ ყულევის მოსახლეობას საერთოდ არ ექცევა ყურადღება, წლებია მოსახლეობას აწუხებს სასმელი წყლის პრობლემა.

გ. ქაჯაია - გამომსვლელმა განმარტა, რომ სოფელ ყულევის მოსახლეობას აქვს პრობლემა სასმელ წყალთან დაკავშირებით, მაგრამ ადგილობრივი ხელისუფლება მოსახლეობას წყლით ამარაგებს, ამასთან ადგილობრივი ხელისუფლება მოლაპარაკებას აწარმოებს წყალმომარაგების ხელმძღვანელობასთან, შესაბამისად შეთანხმების საკითხია და სოფელ ყულევის მოსახლეობის ეს პრობლემაც მოგვარებადია. რაც შეეხება უსაფუძვლო კრიტიკას მუნიციპალიტეტის მხრიდან სოფლებზე არასათანადო ყურადღების მიქცევის თაობაზე, ვერ დაეთანხმება, რადგან მუნიციპალიტეტის ხელმძღვანელობა, ყველა სოფელს თანაბრად აქცევს ყურადღებას და შესაძლებლობის ფარგლებში, მაქსიმალურად ცდილობს ყველა პრობლემა მოაგვაროს დროულად და უმტკივნეულოდ.

დღის წესრიგით გათვალისწინებული საკითხების ამოწურვის შემდგომ საკრებულოს სხდომა დახურულად გამოცხადდა.



## ხოზის მუნიციპალიტეტის საკრებულო

---

მესამე მოწვევის საკრებულოს 2016 წლის 30 მარტის სხდომაზე დამსწრე საკრებულოს

წევრთა სია

1. ედიშერ ჯობავა
2. მამუკა ქარდავა
3. გოჩა სიჭინავა
4. ტარიელ ალექსანდრია
5. დოდო გაბუნია
6. თენგიზ აბაკელია
7. ნუგზარ შუშანია
8. ვასილ კუკავა
9. როსტევეან გვარამია
10. მალხაზ ლაგვილავა
11. ლაშა ცატავა
12. დიანა გულუა
13. იგორ გოგოლაძე
14. ირაკლი ნადარია
15. მზია ლემონჯარია
16. შადიმან ჭილაია
17. ჯემალ ნადარია
18. მელიორ გელანტია
19. ედიშერ წურწუმი
20. მალხაზ ყურუა
21. კახა მიქაბერიძე
22. ბექან ქირია
23. გიორგი ხურცილავა
24. ფრიდონ შონია
25. გენად ზარანდია
26. მერაბ ფილიპია
27. კახა ლატარია
28. ლეონიდე ლოლუა
29. მერაბ ნადარია
30. გენადი ქაძანაია